



U cilju implementacije projekta "Unapređenje infrastrukture i sajamskih kapaciteta Gradske tržnice Zenica", koji je odobren u okviru Projekta „Podrška Europske unije za konkurentnost poljoprivrede i ruralni razvoj u Bosni i Hercegovini“ pod akronimom EU4AGRI. EU4AGRI je četverogodišnja inicijativa (2020-2024) koja ima za cilj modernizaciju poljoprivredno-prehrambenog sektora, otvaranje novih radnih mjesta, kao i zadržavanje postojećih i podržavanje oporavka od krize izazvane COVID-19 u Bosni i Hercegovini. Ukupna vrijednost projekta EU4AGRI, koji financira Europska unija, iznosi 20,25 miliona eura, a zajednički ga provode i sufinanciraju Razvojni program Ujedinjenih nacija (UNDP) u BiH i Češka razvojna agencija (CzDA), Grad Zenica, putem Službe za privredu, gradsku imovinu i upravljanje razvojem, raspisuje:

### **JAVNI POZIV**

#### **za izbor krajnjih korisnika tržišne infrastrukture**

#### **I OSNOVNI ELEMENTI JAVNOG POZIVA**

Opći cilj projekta „Unapređenje infrastrukture i sajamskih kapaciteta Gradske tržnice Zenica“ je unapređenje konkurentnosti i unapređenja prodaje malih proizvođača prehrambenih proizvoda i drugih proizvoda te suvenira na području Grada Zenice kroz stvaranje boljih uslova za plasman roba i osiguravanje poštovanja higijensko-sanitarnih zahtjeva i mikrobiološke ispravnosti proizvoda.

Specifični ciljevi projekta su:

1. poboljšanje uslova za primarne poljoprivredne proizvođače i proizvođače mesa i mliječnih proizvoda za plasman proizvoda na tržnici kroz unapređenje infrastrukturne opremljenosti i nabavku novih prodajnih stolova/vitrina;
2. povećanje konkurentnosti i unapređenja prodaje individualnih proizvođača domaćih proizvoda i suvenira kroz osiguravanje mobilne infrastrukture za promociju i kontinuirani plasman njihovih proizvoda i
3. povećanje konkurentnosti domaćih proizvođača kroz osiguranje higijensko-sanitarnih i mikrobioloških analiza u svrhu kontrole ispravnosti proizvoda i unapređenje njihovog znanja kroz edukacije.

Ukupna vrijednost Projekta pod nazivom: Unapređenje infrastrukture i sajamskih kapaciteta Gradske tržnice Zenica je 251.864,00 bez PDV, a finansira se iz sredstava EU4AGRI i Budžeta Grada Zenica u omjeru 74% i 26%. Predmet ovog projekta (pored ostalih aktivnosti) je i nabavka prodajnih stolova/tezgi i rashladnih vitrina za potrebe krajnjih korisnika na Gradskoj pijaci u Zenici. Projektom je planirana i nabavka sajamskih kućica za organizovanje povremenih sajмова poljoprivredno-prehrambenih proizvoda i rukotvorina ( minimalno 3 sajma u toku trajanja projekta). Implementacija projekta traje 18 mjeseci.



## II PREDMET JAVNOG POZIVA

Predmet Javnog poziva je prikupljanje prijava o zainteresiranosti za korištenje objekata i kapaciteta (koji su predmet Projekta) krajnjih korisnika, a prije svega fizičkih lica i registrovanih subjekata koji se bave proizvodnjom i preradom poljoprivredno-prehrambenih proizvoda, obrtnika, zanatlija, zadruga i dr. U odobrenom projektu utvrđena je subvencija u visini umanjenja godišnje rezervacije za korištenje prodajnih stolova/tezgi i rashladnih vitrina za 50% iste utvrđene Cjenovnikom usluga JP „Tržnica“ d.o.o. Zenica za period od 12 mjeseci, a za 20 prvorangiranih krajnjih korisnika.

Subvencija za 20 krajnjih korisnika sajamskih kućica je u iznosu od 100% u periodu trajanja projekta.

## III PRAVO UČEŠĆA

Pravo na učešće imaju:

1. Fizička lica/privredni subjekti koji se bave primarnom poljoprivrednom proizvodnjom, preradom poljoprivredno-prehrambenih proizvoda, starim zanatima i izradom rukotvorina i suvenira, a po osnovu Zakona o obrtu i srodnim djelatnostima;
2. Fizička lica koja su upisana u Registar poljoprivrednih gazdinstava i Registar klijenata (u daljem tekstu: RPG i RK) najmanje 12 mjeseci prije objave ovog Javnog poziva i koji se bave jednom od dole navedenih poljoprivrednih proizvodnji:
  - Sektor voća i povrća uključujući masline i grožđe;
  - Sektor stočarstva;
  - Sektor mesa;
  - Sektor mlijeka;
  - Sektor pčelarstva;
  - Sektor žitarica i uljarica;
  - Sektor ljekobilja, aromatičnog bilja i gljiva (uključujući samoniklo ljekobilje).
3. Preduzeća, zadruge i udruženja čija je osnovna djelatnost u naprijed navedenim sektorima poljoprivredno-prehrambene proizvodnje.



#### IV OBAVEZNA DOKUMENTACIJA

Uz prijavu podnosioci trebaju priložiti sljedeću dokumentaciju:

1. Kopiju Rješenja o registraciji djelatnosti izdato od strane nadležnog organa (aktivnost registrovane djelatnosti će provjeriti Tim za implementaciju projekta u službenoj evidenciji Službe za privredu, gradsku imovinu i upravljanje razvojem);
2. Original ili ovjerenu kopiju Potvrde o upisu u registar poljoprivrednih gazinstava i registar klijenata;
3. Druga Rješenja o registraciji ili upisu (za zadruge i udruženja).
4. Potvrda preduzeća koje upravlja pijacama i tržnicom o dužini zakupa prodajnih stolova/tezgi ili rashladnih vitrina (za aplikante za korištenje prodajnih stolova/tezgi ili rashladnih vitrina
5. Kopija Rješenja o utvrđenom stepenu invalidnosti ( za invalidne osobe).

**Napomena:** Po potrebi Tim za implementaciju projekta ima pravo zatražiti dodatnu dokumentaciju i obrazloženje.

#### V KRITERIJ ZA OCJENJIVANJE ZAPRIMLJENIH PRIJAVA

##### 1. Opći kriterij za ocjenjvanje prijava

- Podnosilac prijave mora ispunjavati uslove iz Tačke III i Tačke IV .

##### 2. Dodatni kriterij za ocjenjvanje prijava

- Vremenski period obavljanja registrovane djelatnosti na pijacama i tržnicama – za krajnje korisnike prodajnih stolova/tezgi i rashladnih vitrina (Potvrda preduzeća koje upravlja pijacama i tržnicom) do 10 bodova i to :

- do 2 godine .....5 bodova

- od 2-5 godina .....7 bodova

- više od 5 godina .....10 bodova

- Vremenski period registracije u RPG i RK (za krajnje korisnike sajamskih kućica) do 10 bodova i to:

- do 2 godine .....5 bodova

- od 2-5 godina .....7 bodova

- više od 5 godina .....10 bodova



- Krajnji korisnik je žena - 2 boda;
- Krajnji korisnik je mlada osoba (osoba mlađa od 40 godina) – 2 boda;
- Krajnji korisnik je osoba sa invaliditetom do 3 boda
  - do 50% invalidnosti .....1 bod
  - od 50%-90% invalidnosti .....2 boda
  - više od 90% invalidnosti.....3 boda

#### **VI PROVOĐENJE POSTUPKA PO JAVNOM POZIVU**

Podnesene prijave će provjeravati, ocjenjivati i vrednovati (bodovati) Tim za implementaciju projekta imenovan Rješenjem Gradonačelnika Grada Zenica (broj: 02-45-25238/21-4 od 21.04.2022. godine). Preliminarna lista svih prijava krajnjih korisnika bit će objavljena na oglasnoj ploči i web stranici Grada Zenica i oglasnoj ploči JP „Tržnica“ d.o.o Zenica.

Podnosilac prijave može uložiti pisani prigovor Gradonačelniku na preliminarnu listu s rokom podnošenja prigovora od 8 dana od dana objave preliminarne liste na oglasnoj ploči Grada Zenica i na web stranici Grada Zenica i oglasnoj ploči JP „Tržnica“ d.o.o Zenica.

Nakon rješavanja po eventualnim prigovorima objavit će se konačna lista krajnjih korisnika putem oglasne ploče Grada Zenica i web stranice Grada Zenica i oglasne ploče JP „Tržnica“ d.o.o Zenica.

Grad Zenica i JP „Tržnica“ d.o.o. Zenica će sa odabranim krajnjim korisnicima zaključiti sporazume o korištenju (zakupu, najmu) tržišne infrastrukture sa svim pravima i obavezama, rokovima korištenja kao i visinama odobrenih subvencija i vremenskom periodu iste.

#### **VII NAČIN I ROK PODNOŠENJA PRIJAVA**

Prijava na ovaj Javni poziv se vrši na propisanom obrascu i sa potrebnom dokumentacijom se dostavlja u zatvorenoj koverti na adresu i sa naznakom:

**Grad Zenica**

**Služba za privredu, gradsku imovinu i upravljanje razvojem**

**Ul. Trg BiH 6**

**72000 Zenica**

**„Javni poziv u sklopu Projekta - "Unapređenje infrastrukture i sajamskih kapaciteta Gradske tržnice Zenica““**



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Obrasce za prijavu na Javni poziv, aplikanti mogu preuzeti na web stranici Grada Zenica: [www.zenica.ba](http://www.zenica.ba), web stranici JP „Tržnica“ d.o.o. Zenica i na infopultu Grada Zenica.

**Rok za podnošenje prijave je 10 dana, od dana objavljivanja Javnog poziva na web stranici Grada Zenica.**

Nepotpune, neuredne i neblagovremene prijave neće se uzimati u razmatranje.

Sve dodatne informacije u vezi sa Javnim pozivom se mogu dobiti u Službi za privredu, gradsku imovinu i upravljanje razvojem Grada Zenica, na brojeve telefona 032/447-763 i 032/447-708, svakim radnim danom od 07:30 do 16:00 sati.